



President: Dr Deidre Palmer

General Secretary: Colleen Geyer

Mo Aulotu uma faapea Mafutaga faalefaatuatua

O le Faaiipoipoga faapea mafutaga a tagata-tutusa

Mo o'u uso ma tuagane ia Keriso.

Ua leva ona faatalanoaina e le Fono Tele, le Fono aoao lea a le Ekalesia Soofaatasi, le mataupu e uiga i le Faaiipoipoga faapea Mafutaga a tagata-tutusa.

O lenei talanoaga umi pe tusa lea ma le 30 tausaga i totonu o la tatou Ekalesia, sa faigata mo le toatele o tagata faatuatua.

O le vaiaso lenei, sa faaleoina ai e sui o le Fono Tele lea sa usuia i Melepone le lautele o manatu malolosi ma le loto faatuatua o loo latou taofiofi mamau i ai e tusa ma vaaiga eseese faamataupu silisili, faapea le aganuu.

Sa faaaogaina e sui o le Fono Tele avanoa latou te lagolagoina ai pe teena ai foi le tele o manatu-faatu eseese. O le ala lea, ou te mitamita ai e faailoa atu, o le pogai lena na mafai ai ona latou faatinoina se mafutaga faakerisiano, lea sa tuufaatasia ai ma vaaia lelei ai e le tasi le isi.

Sa matua tele lava le alofa tunoa o le Atua... lea na matou taunuu faatasi ai i se faaiuga mo le agai i luma o la tatou Ekalesia.

Mo le amanaia faaloalo o le eseese o talitonuga faakerisiano o tatou sui, o le a tatou faaaogaina ai ni tautinoga o le faatuatua se lua, lea e ui ina tutusa ae maotioti foi, e uiga i talitonuga i le faaiipoipoga.

O lenei faaiuga o le a mafai ai e faifeau ma tagata faifaaiipoipoga i totonu o le Ekalesia Soofaatasi ona maua le saolotoga latou te faia ai pe latou te teena ai foi lo latou faia o ni faaiipoipoga a tagata-tutusa.

O loo faatumauiina pea le tautinoga o le faatuatua lea o loo i ai nei, lea e faapea, "O le Faaiipoipoga mo tagata Kerisiano, o le avatu fua lea o le ioega ma le maliega a se alii ma se tamaitai faalauaitale i luma o tagata ma le Atua, o le a la ola faatasi i lo la olaga atoa."

Ua i ai se faaopoopoga fou o le tautinoga o le faatuatua lea ua taliaina nei.

O le talitonuga o le faatuatuaga lea e faapea, "O le Faaipoipoga mo tagata Kerisiano, o le avatu fua lea o le ioega ma le maliega faalauaitete a ni tagata se toalua, i luma o tagata ma le Atua, o le a la ola faatasi i lo la olaga atoa. "

O lona uiga o le a mafai e faifeau i o latou lava loto fua ifo ona faia faaipoipoga a tagata-tutusa. Ae le faapea o le a afaina ai fua le aia tatau a faifeau, e le mananao latou te faia faaipoipoga a tagata-tutusa ona o latou lava talitonuga. O le a mafai pea ona latou a'oa'oina atu o latou talitonuga i le faaipoipoga, ua na o le tuufaatasiga lava i le va o se alii ma se tamaitai, ma faapena ona latou faaogaina ai pea le sauniga o le faaipoipoga ua fuafuaina mo lea faamoemoe.

Ou te fia faatauaina le galuega ma tauiviga sa feagai ai ma tagata e talitonu i le tatau ona faaipoipoina tagata-tutusa (LGBTIQ) i totonu o le Ekalesia Soofaatasi i le tele o tausaga. Ua ou iloa le tiga ma le faigata o le talanoaina o lenei mataupu mo outou. Ae ua faapena foi ona ou fia faatauaina i latou ua le mafai ona latou lagolagoina lenei suiga – aemaise foi o latou tiga ma faigata ona o lenei mataupu.

Ou te tatalo ina ia alofa le Atua ma foai atu ia te outou le mafanafana ma le faamalologa a o tatou aga'i pea i luma.

Ou te toe faamautu atu i tagata uma o le Ekalesia Soofaatasi – o le a faaaloaloga ma puipuia a outou aia tatau tou te mulimulitai ai i o outou talitonuga e uiga i le faaipoipoga.

E i ai pea le aia tatau a le Fono Faafoe a aulotu uma latou te filifili ai pe faaoga a latou mea totino i le faiga o soo se faaipoipoga.

Ia ia te outou le alofa tunoa ma le filemu, a o tatou molimau pea i le tele naua o le alofa tunoa o le Atua, faapea le faamoemoe faasa'oloto o Keriso, aemaise le gaoioiga matagofie a le Agaga Paia i totonu o la tatou Ekalesia.

Dr Deidre Palmer

Peresetene

Fono Aoao a le Ekalesia Soofaatasi i Ausetalia

14 July 2018